

盡掀翻無一先生大事畢

### 抱一歌

無極極而爲太極太極布妙始於一一分爲二生陰陽萬類三才從此出本來真一至虛靈亘古亘今無變易祇因成質神發知善惡機緣有差忒隨情逐幻長荆榛香味色聲都眩惑誠能一上究根源返本還元不費力一夫一婦定中交三女三男無裏得三元八卦會於壬四象五行歸至寂忽然迸破頂顛門爍爍金光滿神室虛無之谷自透通玄牝之門自闔闢一陽來復妙奚窮四德運乾恒不息浩氣凝神於窈冥出有入無於恍惚中間主宰是甚麼便是達卿元有的

### 道藏輯要

中和集

卷

昇集八

### 慧劍歌

自從至人傳劍訣正令全提誠決烈有人問我覓踪由向道不是尋常鐵此塊鐵出坤方得入吾手便軒昂赫赫火中加火鍊工夫百鍊鍊成鋼學道人知此訣陽神威猛陰魔滅神功妙用實難量我今剖露爲君說爲君說泄天機下壬一陽來復時先令六甲搗爐鞴六甲然後動鉗鎚火功周得成劍初出輝輝如掣電橫揮凜凜清風生卓豎瑩瑩明月現明月現瑞光輝爍地照天神鬼悲激濁揚清蕩妖穢誅龍斬虎滅蛟螭六賊亡三尸絕緣斷慮指情網裂神鋒指處山嶽崩三界魔王皆剿折此寶劍本無形爲有神功強立名學道修真憑此劍若無此劍道難